

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA

OBRADIVAČ:
Komisija za sprovođenje imenovanja
Gradskog pravobranioca u
Gradskom pravobranilaštvu Grada Zenica

PRIJEDLOG

R J E Š E N J E
O IMENOVANJU GRADSKOG PRAVOBRANIOCA

Zenica, januar 2020. godine

Na osnovu člana 33. Zakona o pravobranilaštvu („Službene novine Zeničko-dobojskog kantona“, broj: 12/13), člana 11. Odluke o osnivanju Gradskog pravobranilaštva Zenica („Službene novine Općine Zenica“, broj: 5/14 i „Službene novine Grada Zenica“, broj: 2/15), člana 21. tačka 18) Statuta Grada Zenica („Službene novine Grada Zenica“, broj: 5/15) i člana 45. Poslovnika Gradskog vijeća („Službene novine Grada Zenica“, broj: 4/17), Gradsko vijeće Zenica, na 46. sjednici, održanoj dana 16.01.2020. godine, donijelo je

R J E Š E N J E

o imenovanju Gradskog pravobranioca u Gradskom pravobranilaštvu Zenica

I

ZLATKO OSMANOVIĆ, VSS, diplomirani pravnik s položenim pravosudnim ispitom, imenuje se za Gradskog pravobranitelja u Gradskom pravobranilaštvu Zenica.

II

Imenovani se imenuje na četiri godine i može biti ponovo biran.

III

Ovo rješenje stupa na snagu danom donošenja istog i ima se objaviti u „Službenim novinama Grada Zenica“.

Broj: _____
Zenica, _____ godine

**PREDSJEDAVAJUĆA
GRADSKOG VIJEĆA**

Diana Bešić

O B R A Z L O Ž E N J E

I PRAVNI OSNOV

Rješenje o imenovanju Gradskog pravobranioca zasniva se na sljedećem:

- 1. odredbama člana 33. Zakona o pravobranilaštvu („Službene novine Zeničko-dobojskog kantona“, broj: 12/13), kojima se utvrđuje da funkciju općinskog pravobranioca vrše općinski pravobranilioc i njegov zamjenik, te da općinskog pravobranioca i njegovog zamjenika imenuje i smjenjuje općinsko vijeće na prijedlog općinskog načelnika u postupku utvrđenim istim zakonom i u skladu s posebnim propisima,*
- 2. odredbama člana 11. Odluke o osnivanju Gradskog pravobranilaštva Zenica („Službene novine Općine Zenica“, broj: 5/14 i „Službene novine Grada Zenica“, broj: 2/15), kojima se utvrđuje da Gradskog pravobranioca i njegovog zamjenika imenuje i smjenjuje Gradsko vijeće na prijedlog Gradonačelnika u postupku utvrđenim Zakonom o pravobranilaštvu („Službene novine Zeničko-dobojskog kantona“, broj: 12/13), a u skladu s posebnim propisima, te da se Gradski pravobranilac imenuje na četiri godine,*
- 3. odredbi člana 21. tačka 18) Statuta Grada Zenica („Službene novine Grada Zenica“, broj: 5/15), kojom se utvrđuje da Gradsko vijeće u okviru svojih nadležnosti, između ostalog, imenuje, bira i razrješava druge osobe određene zakonom, Statutom i odlukama, te daje suglasnost na imenovanja, izbor i razrješavanja kada je to propisano,*
- 4. i odredbi člana 45. Poslovnika Gradskog vijeća („Službene novine Grada Zenica“, broj: 4/17), kojom se utvrđuje da se rješenjem rješava o pojedinačnim stavovima.*

II RAZLOZI DONOŠENJA

Rješenjem Gradskog vijeća Zenica broj: 01-01-2653/15 od 12.02.2015. godine, Zlatko Osmanović, VSS, diplomirani pravnik s položenim pravosudnim ispitom, imenovan je za Gradskog pravobranioca u Gradskom pravobranilaštvu Zenica i to na četiri godine s pravom reizbora.

Imajući u vidu okolnost isteka mandata imenovanom, Gradonačelnik Grada Zenica je dana 17.01.2019. godine objavio Javni konkurs za imenovanje Gradskog pravobranioca u Gradskom pravobranilaštvu Zenica, a u skladu s odredbama člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj: 34/03 i 65/13) i člana 33. Zakona o pravobranilaštvu ("Službene novine Zeničko-dobojskog kantona", broj: 12/13). Navedeni javni konkurs objavljen je u „Službenim novinama Federacije BiH“, broj: 2/19 od 18.01.2019. godine, u „Oslobođenju“, „Dnevnom avazu“ i na službenoj internet stranici Grada Zenica. Osim općih uslova, navedenim javnim konkursom postavljeni su i posebni

uslovi, propisani članom 13. Odluke o osnivanju Gradskog pravobranilaštva Zenica, a po osnovu kojih se za Gradskog pravobranioca može imenovati osoba koja ispunjava sljedeće uslove:

- VSS – VII stepen stručne spreme,*
- diploma visokog obrazovanja, odnosno prvog (najmanje 240 ECTS bodova), drugog ili trećeg ciklusa Bolonjskog sistema studiranja pravne struke,*
- položen pravosudni ispit i*
- iskustvo u radu na poslovima u pravobranilaštvu, pravosudnim organima i drugim državnim organima, preduzećima i drugim pravnim osobama u trajanju od najmanje četiri godine nakon položenog pravnog ispita, kao i druge uslove utvrđene posebnim propisima.*

Prijave na Javni konkurs bilo je potrebno dostaviti u roku od 15 dana od dana objave istog u „Službenim novinama Federacije BiH“.

Nakon dostavljanja izvještaja od strane Komisije za imenovanje Gradskog pravobranioca u Gradskom pravobranilaštvu Zenica s utvrđenom rang listom kandidata, Gradonačelnik je dostavio Vijeću Prijedlog Rješenja o imenovanju Gradskog pravobranioca u Gradskom pravobranilaštvu Zenica, a kojim se predlaže imenovanje Zlatka Osmanovića iz Zenice, VSS, diplomirani pravnik s položenim pravosudnim ispitom. Gradsko vijeće Zenica je predmetni prijedlog razmatralo na 35. sjednici, održanoj 24.04.2019. godine. Vijeće isti prijedlog nije usvojilo.

S obzirom da Vijeće nije usvojilo navedeni prijedlog, Gradonačelnik Grada Zenica objavio je drugi po redu Javni konkurs za imenovanje Gradskog pravobranioca u Gradskom pravobranilaštvu Zenica u „Službenim novinama Federacije BiH“, broj: 35/19 od 24.05.2019. godine, kao i u dnevnim listovima „Oslobođenje“, „Dnevni avaz“ i na službenoj internet stranici Grada Zenica. Osim općih uslova, navedenim javnim konkursom postavljeni su i posebni uslovi, propisani članom 13. Odluke o osnivanju Gradskog pravobranilaštva Zenica, navedeno gore, sa istim rokom za dostavljanje prijave, navedeno gore.

Nakon dostavljanja izvještaja od strane Komisije za imenovanje Gradskog pravobranioca u Gradskom pravobranilaštvu Zenica s utvrđenom rang listom kandidata, Gradonačelnik je dostavio Vijeću Prijedlog Rješenja o imenovanju Gradskog pravobranioca u Gradskom pravobranilaštvu Zenica, a kojim se predlaže imenovanje Edine Kalač iz Zenice, VSS, diplomirani pravnik s položenim pravosudnim ispitom. Gradsko vijeće Zenica je predmetni prijedlog razmatralo na 38. sjednici, održanoj 04.07.2019. godine i isti nije usvojilo.

Iz razloga ponovnog neusvajanja prijedloga, Gradonačelnik Grada Zenica objavio je treći po redu Javni konkurs za imenovanje Gradskog pravobranioca u Gradskom

pravobranilaštvu Zenica u „Službenim novinama Federacije BiH“, broj: 50/19 od 17.07.2019. godine, kao i u dnevnim listovima „Oslobođenje“, „Dnevni avaz“ i na službenoj internet stranici Grada Zenica. Osim općih uslova, navedenim javnim konkursom postavljeni su i posebni uslovi, propisani članom 13. Odluke o osnivanju Gradskog pravobranilaštva Zenica, navedeno gore, s istim rokom za dostavljanje prijava, navedeno gore.

Nakon dostavljanja izvještaja od strane Komisije za imenovanje Gradskog pravobranioca u Gradskom pravobranilaštvu Zenica s utvrđenom rang listom kandidata, Gradonačelnik je dostavio Vijeću Prijedlog Rješenja o imenovanju Gradskog pravobranioca u Gradskom pravobranilaštvu Zenica, a kojim se predlaže imenovanje Zlatka Osmanovića iz Zenice, VSS, diplomirani pravnik s položenim pravosudnim ispitom. Gradsko vijeće Zenica je predmetni prijedlog razmatralo na 40. sjednici, održanoj 27.08.2019. godine. Vijeće isti prijedlog nije usvojilo.

S obzirom da ni treći prijedlog nije usvojen od strane Gradskog vijeća Zenica, Gradonačelnik Grada Zenica objavio je četvrti po redu Javni konkurs za imenovanje Gradskog pravobranioca u Gradskom pravobranilaštvu Zenica u „Službenim novinama Federacije BiH“, broj: 66/19 od 11.09.2019. godine, kao i u dnevnim listovima „Oslobođenje“, „Dnevni avaz“ i na službenoj internet stranici Grada Zenica. Osim općih uslova, navedenim javnim konkursom postavljeni su i posebni uslovi, propisani članom 13. Odluke o osnivanju Gradskog pravobranilaštva Zenica, navedeno gore, s istim rokom za dostavljanje prijava, navedeno gore.

S tim u vezi, dana 08.10.2019. godine, Gradonačelnik je donio Rješenje broj: 02-49-22325/19, kojim se imenuje Komisija za sprovođenje imenovanja Gradskog pravobranioca u Gradskom pravobranilaštvu Grada Zenica u sljedećem sastavu: Almira Baručija, rukovoditeljica Službe kabineta Gradonačelnika, predsjednica Komisije i članovi: Azra Hajdarević, sekretarka Gradskog vijeća, Bojana Primorac, pomoćnica Gradonačelnika za urbanizam, Armela Beganović, zamjenica Gradskog pravobranioca u Gradskom pravobranilaštvu Zenica i Asmir Mašić, rukovodilac Službe interne revizije (u daljem tekstu: Komisija).

Shodno tačkama II i III označenog rješenja, u smislu procedure izbora kandidata za imenovanje na predmetnu poziciju, Komisija je imala za zadatak da sve kandidate koji ispunjavaju uslove utvrđene javnim konkursom pozove na intervju, sastavi listu kandidata koji ispunjavaju kriterije, te da listu s izvještajem dostavi donosiocu rješenja, odnosno Gradonačelniku, u svrhu pripreme konačnog prijedloga za imenovanje i upućivanje istog radi razmatranja pred Gradskim vijećem.

Iz Izvještaja Komisije od 06.01.2020. godine, proizilazi sljedeće:

Na Javni konkurs blagovremeno su pristigle ukupno dvije prijave, a neblagovremenih prijava nije bilo. Na Javni konkurs prijave su dostavili sljedeći kandidati:

- 1. Zlatko Osmanović iz Zenice i*
- 2. Damir Arnautović iz Zenice.*

Nakon otvaranja prijava, koje je izvršeno dana 31.12.2019. godine, utvrđeno je da su obje prijave uredne, te da posjeduju cjelokupnu konkursom traženu dokumentaciju.

Po otvaranju prijava, Komisija je pismenim i usmenim putem obavijestila kandidate o terminu održavanja intervjua, a koji je održan u petak, 03.01.2020. godine, u maloj sali Grada Zenica (Služba kabineta Gradonačelnika – II sprat), s početkom u 10,15 časova. Oba kandidata pristupila su intervjuu, te je Komisija obavila intervju s istima i to kako slijedi:

- 1. Zlatko Osmanović iz Zenice i*
- 2. Damir Arnautović iz Zenice,*

Predsjednica Komisije Almira Baručija Kapidžić nije prisustvovala intervjuu iz razloga unaprijed planiranog korištenja godišnjeg odmora, što znači da je Komisija radila u sastavu od četiri člana. Za svako postavljeno pitanje svaki član Komisije je imao pravo i bio obavezan ocijeniti kandidata s ocjenom od 1 do 5. Ocjenjivanje se vršilo odmah nakon obavljenog intervjua sa svakim kandidatom i to na obrascima za ocjenu kandidata, koji sadrže ime i prezime kandidata, jasan sadržaj stručnog pitanja, pojedinačnu ocjenu po svakom od stručnih pitanja, ukupnu ostvarenu prosječnu ocjenu, datum ocjenjivanja, kao i vlastoručni potpis člana Komisije koji ocjenjuje svakog kandidata ponaosob. Svaki od kandidata konačno je ocjenjivan na način što je za svakog od istog zbrojena pojedinačno ostvarena ukupna prosječna ocjena, te tako dobiven zbir podijeljen s brojem članova Komisije, odnosno brojem 4.

Nakon obavljenog intervjua, Komisija je jednoglasno ocijenila Zlatka Osmanovića iz Zenice kao najuspješnijeg kandidata na Javnom konkursu. Za ovakvu jednoglasnu ocjenu Komisija se opredijelila na osnovu ukupne ostvarene prosječne ocjene koju je imenovani ostvario na provedenom intervjuu, kao najkvalitetnijeg kandidata s ukupno ostvarenom prosječnom ocjenom 5,0.

III POJAŠNJENJE SKRAĆENOG POSTUPKA

Imajući u vidu da je u konkretnom slučaju riječ o rješenju, kao pravnom aktu kojim se rješava u pojedinačnoj stvari, odnosno da nije riječ o složenom ili aktu obimne pravne regulacije, to predlagač isto, u skladu s odredbom člana 69. stav (1) Poslovnika Gradskog vijeća („Službene novine Grada Zenica“, broj: 4/17), dostavlja Vijeću na razmatranje u formi prijedloga.

**KOMISIJA ZA SPROVOĐENJE IMENOVANJA
GRADSKOG PRAVOBRANIOCA
U GRADSKOM PRAVOBRANILAŠTVU ZENICA**